

رؤيا

## رؤيا

رسالة تعزية ورجاء للكنيسة المجاهدة

سفر الرؤيا مش ألغاز ولا معادلات لو حطيناها نعرف معاد نهاية العالم. هو رسالة ل7 كنائس تواجه الاضطهاد. هو محاكمة لكل مملكة بشرية متكبرة (زي بابل). هو رموز و رؤى بتشاور على وعد مجيء ربنا يسوع الثاني كملك منتصر بيجمع شعبه ويعمل خليقة جديدة و أبدية جديدة .. والرجاء بالوعد ده بيشرح و يثبت ولاد ربنا في ضيقاتهم أو اضطهادهم.

! طبعاً الملخص ده لا يغني أبداً عن القراءة الشخصية للكتاب المقدس و التأمل العميق في كلامه  
 ده مجرد ملخص بسيط, مش درس كتاب 😊

i عن السفر



الصورة من موقع BibleProject

عدد الإصحاحات: 22

✍ كاتب السفر:

القديس يوحنا الحبيب (اللاهوتي) بن زبدي .. كان آخر تلميذ عاش على الأرض بعد ما استشهد كل التلاميذ الباقين

## ? ظروف الكتابة:

- القديس يوحنا نفاه الامبراطور الروماني (دوميتيان) في آخر القرن الأول (من 85م ل 100م) في جزيرة بطمس .. و هناك في الوقت ده اتكتب السفر
- السفر مجموعة من النبوات بدأت في يوم الأحد (يوم الرب)

## ✓ هدف السفر:

- هدف السفر من أول آية: هو مجموعة من الرؤى الرمزية اللي بتقول وجهة نظر ربنا في تاريخ و مستقبل البشرية .. عشان نشوف حياتنا و ضيقاتنا في رجاء النتيجة النهائية (مجيء ربنا يسوع)
- سفر تعزية لكل المجزئين (يوحنا كان عجوز و منفي و بعيد عن كنيسته وشعبه .. لكن ربنا عزّاه بالسفر ده) .. و تعزية للكنيسة كلها لأنه بيفرّجنا - ولو بشكل رمزي - جمال الأبدية اللي مستنيانا
- مصدر غني لطقس الكنيسة .. طقوس كثير جداً في الكنيسة من سفر الرؤيا (الألوان, اللون الأبيض, البخور ..) و بنشوف فيه أمانا العذراء و الملائكة
- سفر التسبيح بنشوف اشكال و أنواع من التسبيح من الملائكة و ال 24 قسيس و ال 144 ألف .. هي السماء عبارة عن تسبيح لربنا و فرحة به
- السفر فيه عملية فرز مستمر .. اللي ماسك في ربنا هو اللي هيوصل السماء, واللي يعاند و مش عايز يتوب مش هيوصل .. و هدف الضربات و الجامات هو توبة الناس قيل الهلاك الأبدي

## 🔑 مفاتيح فهم السفر:

- السفر ده هو السفر النبوي الوحيد في العهد الجديد .. امتداد لأسفار النبوات في العهد القديم (زي إشعيا و حزقيال و دانيال و الأنبياء الصغار) .. مليون ألغاز و رموز لأن السما مش هنعرف نعبر عنها بكلماتنا
- السفر ده اتكتب ك رسالة ل 7 كنائس حقيقية موجودة في الوقت ده في منطقة آسيا الصغرى و بتواجه مشاكل حقيقية (مش رمزية)
- السفر ده فيه مشاهد من العهد القديم و محتاجة مننا نكون عارفين و فاهمين عهد قديم كويس عشان نربط و نفهم الرمز من الرؤيا
- السفر عبارة عن مجموعة من الرؤى (مش رؤية واحدة) .. ترتيبها طالع (ينظر للسماء و المسيح و النصر) نازل (ينظر للأرض و الشر اللي فيها) .. لحد في آخر رؤيا بيطلع وماينزلش (أورشليم الجديدة و دعوة ربنا إنه يبجي)

○ رقم 7 مستخدم كثير جداً في السفر (7 كنائس, 7 ملائكة, 7 جامات, 7 أبواق ...) .. ده رقم يشير لاكتمال حياتنا على الأرض .. لكن عموماً محاولة تفسير كل الأرقام بأحداث من التاريخ القديم أو الجديد هو من قبيل التأمل بس .. لكن **إحنا تركيزنا على خلاص نفسنا مش على تفسير الأرقام و الرموز**

## ترتيب السفر

السفر ببداً بجزء خاص بالكنيسة المجاهدة على الأرض (أول 3 إصحاحات) وينتهي بجزء خاص بالكنيسة المنتصرة مع ملكها المسيح في السماء (آخر 3 إصحاحات) .. و في النص الرحلة من الأرض للسماء و مراحل تحضير مجيء السيد المسيح

إصحاح 1 ل 3

### رسالة ل 7 كنائس

جزء خاص بالكنيسة المجاهدة على الأرض

إصحاح 4 و 5

### العرش

رؤيا القديس يوحنا لعرش الله .. والطغمت السمائية حوله

إصحاح 6 و 7

### ال 7 ختوم

أحداث حصلت و تحصل قبل المجيء الثاني

إصحاح 8 ل 14

### ال 7 أبواق

ضربات قوية قبل المجيء الثاني

إصحاح 15 و 16

### ال 7 جامات

7 ضربات يأتي بعدها السيد المسيح

إصحاح 17 و 18

### سقوط بابل

سقوط الشيطان ومملكته

إصحاح 19 ل 22

## أورشليم السمائية



جزء خاص بالكنيسة المنتصرة

ملخص السفر



## # 1: رسالة ل 7 كنائس

إصحاح 1 ل 3



- و ربنا قال له يكتب رسائل لأساقفة أهم 7 مدن في منطقة آسيا الصغرى (دي كانت كلها تحت رعاية القديس يوحنا)
- الرسائل دي كانت تقريباً على وتيرة واحدة: (صفة لربنا لها علاقة بموضوع الرسالة - تشجيع على صفة إيجابية - مرض أو خطية كبيرة - حل و خطوة عملية - عقاب في حالة عدم التوبة - مكافئة من ربنا في حالة التوبة) .. و المرّدّ واحد و بنقوله عشان نفتكر إن الكلام ده لنا: **من له أذنان للسمع فليسمع ما يقوله الروح للكنائس**

الكنيسة أخذت من كلام الإصحاح ده و وصف يوحنا لربنا يسوع, و عملت منها صورة **حزن الآب** اللي فيها ربنا يسوع الملك ضابط الكل الألف و الياء

رسائل ال 7 كنائس

الكنيسة	التطويب	الحرب / الخطية	الوصية / العلاج
أفسس	عدم احتمال الشر و مقاومة الأشرار و الأنبياء الكذبة	غياب المحبة (ترك المحبة الأولى)	التوبة و العودة إلى المحبة الأولى و ترك الخطية الرئيسية اللي بسببها غابت المحبة
سميرنا	التمسك بالإيمان حتى وسط الاضطهادات (كلمة سميرنا معناها القُر)	-	لا تخف .. كن أميناً إلى الموت
برغامس	التمسك بالإيمان الصحيح حتى وسط الاضطهادات و الحروب الفكرية	فيه ناس متمسكين بتعاليم إباحية و بتنادي بفكر إن الجسد من حقه يعيش زي ما هو عايز	انت كراعي مسئول عن الناس اللي عندك .. تُب عشان هم يتظبطوا .. لازم الأفكار دي تتحارب بقوة و ماتستسلمش لها
ثياتيرا	النمو الروحي و محاولة الحفاظ على الإيمان وسط حروب الفكر	الوجود في مجتمع إباحي .. و تسيب معلّمين كذبة بأفكار خاطئة	التمسك بالعفة و الطهارة .. و عدم السماح لأفكار العالم بالدخول إلى القلب أو الفكر
ساردس	-	الرياء .. شكله طلو قدام الناس لكن ميت قدام ربنا	اسهر و طّي في الخفاء .. افتكر انت استلمت إيه من تعاليم و وزنات

الكنيسة	التطويب	الحرب / الخطية	الوصية / العلاج
فيلادلفيا	تمسك برنا رغم الإحباط والقوة اليسيرة	الإحباط .. حواليتها تيارات بتحاول تيأسها	ثق فيّ .. لقا بافتح الباب ماحدث يقدر يقفله .. أنا هحافظ عليك .. تمسك بما عندك
اللاودكيين	-	الفتور الروحي بسبب الكبرياء (حاسس إنه غني و مش محتاج رنا)	خليك غني بنعمة رنا و بالروح القدس .. خليك حار بالروح .. افتح لي الباب

**أشير عليك أن تشتري مني ذهباً مصفى بالنار لكي تستغني، وثياباً بيضاء لكي تلبس، فلا يظهر خزي عريتك. وكحل عينيك بكحل لكي تبصر**

رؤيا 3 : 18

بعد التحذير الرهيب ييجي الحل، تعالوا **نقرا و نفهم**

**نتعلم إيه؟**

7 حالات روحية مختلفة رنا بيتعامل معنا فيها بالتشجيع و التحذير .. عشان نتوب و نعدّيها

🙏 يا رب انت اللي عارف أعمالى و أعماقى مهما الناس مدحوا أو ذمّوا .. خلينى آخذ وصاياك على نفسى و أعمل بها عشان تعالجنى

# 2: العرش

إصحاح 4 و 5



الصورة من موقع BibleProject

- في الرؤيا الثانية، شاف القديس يوحنا ربنا يسوع على عرشه (زي إشعيا و دانيال و حزقيال في العهد القديم) و حواليه:

- ال24 قسيساً يسبّحونه و يعطونه المجد و الكرامة .. و مع كل واحد جامة (شورية) مليانة بخور (هو صلوات القديسين)  
دي كائنات روحية
- ال4 كائنات غير المتجسدين قائلين: قدوس قدوس قدوس  
دول 4 ملايكة كارويم يرمزون لل4 أنجيل، أو ل 4 مراحل مرّ بها السيد المسيح عشان يخلصنا:  
التجسد (إنسان) و الصلب (ثور) و القيامة (أسد) و الصعود (نسر)
- ربوات وألوف الملائكة يسبّحون الله  
عشان كده في القداس بنقول **مستحق و عادل**

- بعد كده شاف على يمين على يمين الجالس على العرش سفر مختوم (مقفول) ب 7 أختام (أقفال) .. ما حدّش كان مستحق أو عرف يفكّ الختوم دي عشان يفتح و يقرأ السفر دي قضية الموت اللي ما حدّش عرف يخلصنا منها إلا السيد المسيح .. و ال 7 ختوم هي 7 مراحل على الكنيسة من ساعة الفداء إلى المجيء الثاني
- و شاف السيد المسيح كخروف قائم (منتصر) رغم أنه مذبوح ... الأسد الخارج من سبط يهوذا .. هو المستحق أن يفتح السفر و يفكّ ختومه وسط تسبيحات السمائيين والأرضيين و كل الخليقة .. أصبحت السماء تسبّح تسبّح الأرض (للفداء) و الأرض تسبّح تسبّح السماء (التقديس) ..  
كنيسة واحدة في السماء و الأرض

الكنيسة أخذت من الجزء ده في قسمة السمائيين (هوذا كائن معنا على هذه المائدة اليوم) ..  
و جزء **أجيوس** في القداس و **ذكولوجية السمائيين** و استخدام **البخور**

## نتعلّم إيه؟

ربنا يسوع الجالس على كرسي مجده المسجود له من جميع القوات المقدسة .. الأسد المنتصر أصل داود .. هو الحمل المذبوح من أجل خلاصنا

🙏 يا رب يا من دُبحت و اشتريتنا .. خليتنا يا رب في كل قداس نستمتع بالجو الروحي الجميل اللي في كنيستنا (من حضن الآب للبخور للكاهن للصلوات ...) .. نركّز فيها و نعيش في السماء نسبّح مع السمائيين

## # 3: ال 7 ختوم

إصحاح 6 و 7



الصورة من موقع BibleProject

- و فتح الخروف الأختام ال 7 (زي ما هانشوف تحت)
- و قبل الختم السابع (الضيقة العظيمة اللي قبل المجيء الثاني)، ربنا يطمئن أولاده و كنيسته إنه يحميهم من هذه الضيقة و هيقدرنا يعدوا منها .. و بالتالي قبل الضربات دي يبجي الملاك و يختم عبيد ربنا على جباههم من العهد القديم و الجديد (سر الميرون)
- و عدد المختومين كانوا 144 ألف، من كل سبط 12 ألف، و ناخذ بالناس:
  - يهوذا اتقال الأول (قبل رأوبين البكر) لأن منه جاء السيد المسيح
  - دان ماتقالش هنا، لأن منه هيأتي الدجال
  - اتذكر سبط (يوسف) بدل سبط أفرايم (رغم إن يوسف ولاده منسى و أفرايم يعني مالوش سبط منفصل) لأن أفرايم أكثر سبط عبد الأوثان في العهد القديم .. بينما يوسف كرامته عظيمة جداً
  - عدد المختومين من اليهود (العهد القديم) رقم كبير من الأبرار لكنه رقم محدد و مقفول لأن العهد القديم انتهى
- بعد كده رؤيا معزّية جداً: أبرار العهد الجديد .. جمع كبير جداً لا يُحصى من كل الأمم و الشعوب و القبائل زي ما بنقول في **الترنيمة** لابسين أبيض (المعمودية ثم التوبة) و ماسكين سعف النخل (زي ما احنا بنعمل في حد السعف) .. و يبسبحوا ربنا مع السمائيين


الختوم ال 7

#	المنظر	الرمز
1	الفرس الأبيض	الكنيسة الأولى الغالبة اللي تنتشر في كل الأرض بقوة الروح القدس و معجزات عظيمة
2	الفرس الأحمر	عصر الاستشهاد الاضطهاد العنيف الدموي على الكنيسة من اليهود و الرومان
3	الفرس الأسود	فترة الیدع والهرطقات (أريوس ونسطور و مقدونيوس) بعد استقرار الكنيسة و زوال الاضطهاد عنها (بعد مُلك قسطنطين)
4	الفرس الأخضر (الباهت)	بدعة قاتلة فضلت مستمرة (رمزها السيف)
5	رؤيا معزية للسماء مرة ثانية و نفوس الشهداء	فترة اضطهاد شبه الختم الثاني
6	علامات نهاية الأزمنة (تغيّرات في الشمس و القمر و الكواكب)	لها معنى حقيقي .. و كمان لها رمز روحي إن ناس عاليين في الإيمان يقعوا في بدع وأفكار خاطئة أو دول و ممالك قوية تسقط بسبب تركها للإيمان
7	ال7 أبواب	نشوفهم في الجزء الجي

## نتعلم إيه؟

قبل أي ضربة كبيرة ربنا بيظمن أولاده و يقول لنا إن إحنا محميين في كنيستنا بتمسكنا به

يا رب خليني أثق إن أي ضيقة مهما حصلت هاتنتهي بانتصار في السما و مجد عظيم ..  
طول ما أنا ماسك فيك و في اسمك القدوس



الصورة من موقع BibleProject

- ولما فتح الخروف الختم السابع بدأت ال 7 أبواق .. الختم السابع هو آخر مرحلة قبل المجيء الثاني .. و ربنا هيرسل فيها 7 أبواق (تحذيرات) عشان الناس تتوب و تستعد لهذا المجيء زي ما هانشوف
- البوق الخامس (العقارب) و السادس (الحيّات) صعبين جداً .. لكن زي ما بنصلي: ربنا أعطانا السلطان أن نحوس على الحيات والعقارب وكل قوات العدو
- لكن قبلها جاء الملاك و أخذ بخور في الشورية و بخر فصعد البخور مع صلوات القديسين (زي ما بيحصل في القداس في [دورات البخور](#))

الأبواق ال 7

#	المنظر	الرمز
1	نار و يّرد و دم على الأرض	مجاةة عظيمة
2	جبل عظيم (ملك عظيم) اترمى على البحر (العالم) فصار ثلث البحر دمأ	حرب عالمية شديدة راح ضحاياها ناس كثير

#	المنظر	الرمز
3	كوكب عظيم (إنسان عظيم مسئول عن التعليم في الكنيسة) لكنه وقع على الأنهار فجعل ثلثها مراً	موت روحي لبعض الناس نتيجة سقوط شخص روحاني كبير في تعاليم خاطئة و يدع
4	ظلام لثالث الشمس والقمر والنجوم	الإيمان بالسيد المسيح (شمس الير) والكنيسة (القمر) التي ينعكس نوره) و القديسين (النجوم) على الأرض أصبح ضعيف جداً
5	جيش شبه الجراد مدقّر مؤلم جداً (زي العقارب) .. يعذب فقط للناس التي مش عندهم ختم الله على جباههم	الشیطان هیتحلّ من قيده و يبدأ يعمل حروب و يعذب الناس
6	جيوش عظيمة جداً من بابل (رمز الخطية) شبه الحيات بتعمل حروب عظيمة و تقتل الناس	الدجال و الحرب التي هي عملها .. لكن رغم العذاب الكبير، الناس لم تتب برضه
7	أصوات عظيمة من السماء قائلة: قد صارت الأرض كلها للرب و مسيحه	يوم الدينونة التي ربنا يعطي فيه كل واحد حسب أعماله

## أول 5 أبواق يشبهوا ضربات من الضربات ال10 في سفر الخروج

- قبل البوق السابع (المجيء الثاني)، شاف القديس يوحنا بعض المشاهد الروحية المعزّية:
  - (إصحاح 10): **سفر صغير** مفتوح في يد السيد المسيح الضابط الأرض .. و صوت من السماء قال ليوحنا ياخذ السفر و ياكله .. هيكون في فمه طواً كالعسل و في جوفه مراً ده الإنجيل التي كلامه طو و يدّي سلام .. و لقا نهضمه ينخسنا و بيكّتنا للتوبة
  - (إصحاح 11): **النبیان العظيمان** الدآن يتنبآن باسم ربنا (زي ما قال عنهما زكريا النبي: الزيتونتان والمنارتان) بأعاجيب عظيمة بعد فترة اضطهاد صعبة على الكنيسة (لكن التي لهم علاقة قوية برنا من خلال الكنيسة والمذبح خلصوا) .. بعد كده عدو الخير يقتلها (وسط شماتة أعداء الكنيسة) بعد كده ربنا يقيمهما من الموت في مجد عظيم يخلي كثير من الناس تؤمن به
  - غالباً دول موسى (اللي حوّل الماء دم) و إيليا (اللي منع السماء من المطر) .. أو إيليا و أخنوخ (اللي صعدا للسماء و لم يموتا بعد)

○ (إصحاح 12): **المرأة و التنين**: هنا فيه وصف تفصيلي للبوقة الخامس (سقوط الشيطان)

■ أمنا العذرا اللي شايطة المسيح (شمس البر) و يوحنا المعمدان عند رجليها (القمر) و حواليها ال12 تلميذ (ال12 كوكب) في طريقها للولادة

■ و كان الشيطان الذي سقط وأسقط معه ملائكة كثير مستني ابنها ليقته

■ لكن طبعاً السيد المسيح جه و أكمل رسالته و ضُلب و قام و صعد

■ و أمنا العذرا أصبحت أم للكنيسة اللي عايشة حياة التُسك و الجهاد بعيد عن العالم وشهواته

■ و قامت الحرب بين الملاك ميخائيل و جنوده و بين الشيطان و جنوده .. و الملائكة

انتصروا و طرحوا الشيطان اللي عمل حرب بغيظ عظيم مع البشر .. لكن ربنا طبعاً

محافظ على كنيسته و رافعها عن العالم (على أجنحة النسور) .. و ولاد ربنا غلبوا

بشهادة الإيمان و دم ربنا يسوع .. بينما العالم و سكّانه البعيدين عن الله يتغلبوا

○ (إصحاح 13): **ثالوث الشر**: هنا فيه وصف تفصيلي للبوقة السادس (الشيطان و الدجال و

النبى الكذاب)

■ يوحنا شاف وحش طالع من البحر .. ده الدجال (ضد المسيح) اللي جُرح لكن شفي من

جرحه المميت (بيحاول يقتل ربنا يسوع اللي ضُلب و قام) .. فسجد الناس للتنين

(الشيطان) و الوحش اللي جدّف ضد الله و تبعه ناس كثير (فترة ارتداد عظيم) لكن اللي

أسماؤهم مكتوبة في سفر الحياة ثبتوا على إيمانهم

■ و يوحنا شاف وحش طالع من الأرض .. ده النبي الكذاب اللي يسبق الدجال (محاولة

لتقليد يوحنا المعمدان اللي سبق ربنا يسوع) .. كان له سلطان عظيم و بيعمل

معجزات

○ (إصحاح 14): **حصاد الأرض**: هنا فيه وصف تفصيلي للبوقة السابع (مجيء المسيح)

■ شاف يوحنا 144 ألف البتوليين (كل ولاد ربنا: 12 سبط عهد قديم \* 12 تلميذ عهد

جديد \* 1000 رقم الكمال) الأطهار حول الخروف بيسبّحوه مع السمائيين بلا عيب

■ بعد كده 3 ملائكة .. الأول بيقول: خافوا الله و اعطوه مجداً

■ الثاني بيقول: سقطت بابل المدينة العظيمة (رمز الشر)

■ الثالث بيقول: اللي قَبِل سمة الخروف (مشي وراء الشيطان بدون توبة) هأُعاقب

نفس عقابه و يتعدّب نفس عذابه بينما القديسين يرتاحون

■ و يوحنا شاف السيد المسيح قادم على السحاب و أرسل منجله و حصد الأرض (ساعة

الدينونة) .. و الأشرار راحوا العذاب الأبدي بينما الأبرار راحوا الراحة الأبدية

## نتعلم إيه؟

حروب صعبة و اضطهادات كثير على الكنيسة و على ولاد ربنا .. الشيطان مش ساكت و في كل وقت كل همّه إنه يوقع ولاد ربنا

🙏 يا رب ثبتنا فيك .. خلينا ندرك إننا في حرب صعبة جداً قدام خصم شرس و قوي جداً، و النتيجة حياة أبدية أو موت أبدي .. خلينا واثقين إننا طول ما إحنا ماسكين فيك و في كنيستك فانتصارنا أكيد بقوتك و بدمك و بنعمة روحك القدوس

## # 5: ال 7 جامات

إصحاح 15 و 16



الصورة من موقع BibleProject

- بعد كده شاف القديس يوحنا 7 ملائكة معهم 7 جامات تمثل 7 ضربات أخيرة قبل المجيء الثاني .. الضربات دي فقط على من يتبعون الوحش (زي ما حصل في الضربات الأخيرة للمصريين في سفر الخروج) .. لعلمهم يتوبوا قبل يوم الدينونة الجام = إناء فيه نار (شيه بطن الشورية)
  1. **دمامل** خبيثة و رديّة (أمراض صعبة)
  2. اتحوّل البحر ل **دم** و ماتت المخلوقات اللي فيه .. ممكن ده يرمز لحرب عظيمة قرب البحر يموت فيها ناس كثير و يختلط دمهم بماء البحر
  3. اتحوّلت الأنهار (ماء الشرب) ل **دم**
  4. الشمس أحرقت ناس كثير بال **نار** ممكن ده يرمز لظواهر طبيعية غريبة
  5. **ظلام** تام في مملكة الوحش ممكن ده يرمز لحرب داخلية في مملكته

6. نشف ماء الفرات .. و بدأ الشيطان يجمع كل قوته لحرب أخيرة

7. رعود و بروق و زلزلة عظيمة و بَرَد عظيم .. و سقوط بابل

• في الآخر الأشرار لم يتوبوا ولا أعطوا المجد لربنا بل جَدّفوا عليه أكثر

## نتعلّم إِيه؟

أحياناً ده يكون هدف ربنا من الضربات و الظواهر و التجارب الصعبة: توبة الناس البعيدة عنه .. بعضهم بيتوب زي ما سمعنا الإصحاحات اللي فاتت، لكن للأسف زي ما بنسمع في الإصحاحات دي بعضهم بيرفض ربنا أكثر و يجدّف عليه أكثر وقت التجربة

🙏 يا رب ساعدني أشوف كل مشكلة أو موقف صعب إنه في الآخر رسالة توبة و استعداد شخصي ليّ .. واثق في أبي الطيب الرحيم اللي بيقويني و يعزّيني و يردّني إليه طالما حاولت أنا أثبت فيه و لم أرفضه

## # 6: سقوط بابل

إصحاح 17 و 18



الصورة من موقع BibleProject

- بعد ما شفنا في الجزء اللي فات ضربات و تأديبات على الناس اللي مشيت وراء الوحش, جه وقت دينونة القوة المحرّكة للشر .. مملكة الشيطان اللي يُرَقز لها ببابل (المملكة الشريرة اللي سبت مملكة إسرائيل)
  - الرؤيا كانت امرأة (إشارة لمملكة شريرة) لابسة لبس ملوكي و جالسة على نهر كبير (شعوب كثير خاضعة لها) ماسكة كأس و في حالة شكر من الكأس اللي مليان دم القديسين .. جالسة على وحش (الشيطان و قوّته في المسيح الدجّال) مكتوب عليه تجاديف له 7 رؤوس و 10 قرون
  - القديس يوحنا اضرب جداً من الرؤيا .. فشرح له الملاك
  - ناس كثير (أسمائهم مش مكتوبة في سفر الحياة) لَمَّا تشوف القوة العظيمة اللي عند الوحش هاتؤمن به
  - ال 7 رؤوس هي 7 ممالك كبيرة تحكّم فيها الشيطان على مدار التاريخ (5 منهم كانت ممالك وثنية من العهد القديم و سقطت: مصر و آشور و بابل و فارس واليونان, و مملكة موجودة في زمن كتابة السفر: روما, و مملكة أخيرة لم تأتي بعد) .. والمملكة الثامنة هي مملكة الدجّال
  - ال 10 قرون هم 10 ملوك يظهروا في آخر الأيام .. هاتتحدوا مع الوحش (الدجّال) و يحاربون الخروف و أتباعه, لكن الخروف و أتباعه يغلبوهم .. و في الآخر ينقلب ال 10 ملوك على الدجّال و تنقسم مملكة الشر على نفسه

- وجه وقت سقوط بابل (زي ما أعلنه ملاك من السماء .. و بكى عليها الملوك و الثُّجَّار اللي كانوا مستفيدين منها و يبييعوا و يروِّجوا أنواع الخطايا فيها) .. و حذَّر ملاك ثاني شعب ربنا إنه يخرج منها بسرعة عشان الضربات دي ماتجيش عليه (زي ما حصل مع لوط في العهد القديم)
- و بالتالي الإصحاح ده معزّي لنا و يقول لنا إنه مهما طال الشر، في الآخر سوف يسقط

## نتعلّم إيه؟

محبة المال و المقتنيات أصل لكل الشرور زي ما بنشوف هنا و زي ما القديس يوحنا قالها في رسالته (لا تحبوا العالم ولا الأشياء التي في العالم)

🙏 يا رب أشكرك على كنيستي اللي بترتّب لي صيامات و ميطانيات و حياة فيها عطاء و فيها شوية ترك للتنعم و الرفاهية الزيادة .. خليني أعيش المعنى ده صح

## # 7: أورشليم السمائية

إصحاح 19 ل 22



- دينونة مملكة بابل كان مصدر فرح و تسبيح في السماء: كل اللي في السماء (من ملائكة وقديسين) و اللي في الأرض قالوا: الليلويا
- بعد كده جه وقت دينونة الوحش والنبي الكذاب: يوحنا شاف ربنا يسوع (ملك الملوك الجالس على الفرس الأبيض) و وراه الملائكة و داس معصرة غضب الله .. و جه وقت دينونة الوحش وكل من يتبعه: حاولوا يقاوموا ربنا يسوع لكنه غلبهم و طرحهم في بحيرة النار والكبريت
- بعد كده جه وقت دينونة الشيطان نفسه:
  - يوحنا شاف ملاك معاه سلسلة قبض على الشيطان و قيده (ده اللي حصل ساعة الصليب) لحد قيامة الأموات (ألف سنة = رقم رمزي)
  - الشيطان أصبح مقيد و له قوة محدودة لحد قبل الدينونة الأخيرة بفترة قليلة (فترة الارتداد العظيم زي ما شُفنا قبل كده)
  - و من أول صليب ربنا يسوع, كل المؤمنين به لما ينتقلوا, بيروحوا الفردوس معاه لحد يوم الدينونة (ده معنى يملكوا معاه ألف سنة) و بعدها يروحوا الملكوت للأبد .. أما من لم يؤمن و لم يُثب هيروح الجحيم و وقت القيامة الأخيرة هيتحاكم و يروح جهنم للأبد
  - و في الأيام الأخيرة الشيطان هايجمع كل قوته ويعمل حرب مع الكنيسة .. لكن بقوة ربنا الكنيسة بتغلبه .. والشيطان هايطرح في بحيرة النار والكبريت مع الوحش و النبي الكذاب
  - بعد كده الدينونة الأخيرة اللي ربنا يعطي كل واحد (من أول آدم لآخر واحد على الأرض) حسب أعماله .. بعد كده مش هيكون فيه موت بل حياة أبدية
- آخر رؤيا في ختام السفر هي **أورشليم السمائية**:
  - بعد انتهاء العالم والدينونة, شاف القديس يوحنا أورشليم السمائية (الكنيسة المنتصرة) .. المدينة الجديدة بتاعة ربنا نازلة من السماء كعروس مزينة لعريستها السماوي
  - المدينة أساساتها ال12 مكتوب عليها أسماء تلاميذ ربنا يسوع (العهد الجديد) .. و أبوابها ال12 مكتوب عليها أسماء أسباط إسرائيل ال12 (العهد القديم) .. مدينة واسعة جداً من الذهب النقي .. مافيهاش هيكل لأن حضور ربنا ماليها كلها
  - و في وسطها نهر من ماء الحياة ينبع من عرش الله .. و فيه شجرة الحياة اللي كانت في الفردوس
  - دي هتكون مسكن الله مع أولاده الأبرار التائبين فقط .. لن يدخلها شيء دنس أو أي شخص كان خايف من الشيطان أو غير مؤمن أو كذاب أو عاش في الخطية بدون توبة

- و مش هيكون فيها حزن ولا وجع ولا ألم, بل سيمسح الله كل دمة من عيون أولاده
- ساعتها يتحقق قصد ربنا من الخليقة: إنه يسكن معنا و نكون شعبه و هو إلها
- و ربنا يسوع مع الكنيسة بيدعوا الناس لأورشليم السمائية .. و المؤمنين بيقولوا: أمين تعالى أيها الرب يسوع

## نتعلم إيه؟

نهاية سفر الرؤيا هي هدف حياتنا على الأرض .. بنعيش في انتظار مجيء ربنا يسوع و بندعو الكل للاستعداد

🙏 يا رب خليني دائماً في حالة اشتياق لوطني الحقيقي (أورشليم السمائية) .. مستني مجيئك و دائماً أصلي: أمين تعالى أيها الرب يسوع

## المراجع 📖

- Bible Project - Part 1
- Bible Project - Part 2
- فتشوا الكتب (أبونا داود لمعي)
- بانوراما سفر الرؤيا (أبونا لوقا ماهر)
- تبسيط سفر الرؤيا (أبونا لوقا ماهر)